

2. maj 2019

UPA2019/51

UPA 2020 tikitsinnagu uagut politikkerit mingutsitsinnginnerunissamut silallu pissusaanik allanngortsitsinnginnerunissanik iliuusissatsinnut innersuussisussamik immikkut ilisimasalinnik inuttatalimmik pilersitseqquullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Innersuussinerit tamarmik immikkut imaqassapput aningasatigut kingunerusussanik inuiaqtigiinnut aamma innuttaasunut/sullivinnut.

(Inatsisartunut ilaasortaq Steen Lygne, Demokratit)

Inatsisartunut aaliangiiffigisassatut siunnersuut Siumumit imaattumik oqaaseqarfingissuarput.

Silaannaap pissusaata allanngoriartornera Nunatsinni assigiinngitsutigut misingalugulu malungivarput.

Siumumiit nuannaarutingaarput Naalakkersuinikkut silaannaap mingutsinneqarsinnaanerata annikinnerpaanngornissaanut suliniatoqarmat, takusinnaasatsitut erngup nukinganik nukissiorfiit pilersiortorneqarnikuupput tamannalu annertoorujussuarmik mingutsinsinermut millisaataanikuuvoq.

Sulilu aamma pilersaarutigineqartut nunatta sinnerani nukissiuutinik ataavartunik pilersitsiniarluni Naalakkersuisut suliniutaat Siumumit tamakkiisumik tapersorsorlutigit, tamakkulu saniatigut aamma Sisimiuni Nukissiorfiit anorip nukinga atorlugu misileraavimmik pilersitsisimancerat nuannaarutissaavoq.

Issittumi umiarsuarni ingerlatitut (ikummatisatut) atorneqartoq uulia oqimaattoq HFO silaannarmik annertuumik mingutsitsisoq ilisimaneqarpoq, ilisimalluinnarparpullu nunatta avataaniik nioqqtissanik sanaartornermilu atortussanik pilersorneqarnerput umiarsuartigut annertoorujussuarmik ingerlanneqartoq. Taamaattumik Naalakkersuisut uuliamik oqimaatsimik atuinnginnissamik kissaataat piumasaqaatinngortinneqartariaqatoq Siumumit isumaqarpugut.

Taamatut naatsumik oqaaseqarluta siunnersuuteqartoq qutsavingaarpot mingutsitsinnginnissamut pingartsitsillunilu eqqummaarimmat, sulialli ataatsikkoortumik ingerlanneqannginnissaat Naalakkersuinikkut annertuumik ingerlatsisoqalereermat siunnersuut taamatut isikkoqartillugu itigartinneqarnissaa innersuullutigu.

Nikkulaat Jeremiassen, Siumut.